

Համագգային Հայ Կրթական Եւ Մշակութային Միութիւն
Նայիրի Մասնաճիւղ - Ryde NSW

Թումանեան Դպրոց



Վարձի կառավարման կանոնագիր

Վերանայում 1, Սեպտեմբեր 2019

Հայերէն լեզուով առաջին հրատարակութիւն, Սեպտեմբեր 2021



ԲՈՎԱՆԴԱԿՈՒԹԻՒՆ

1. Ընդհանուր դրոյթներ	3
1.1 Ներածութիւն	3
1.2 Մեր դաւանանքը	3
1.3 Մեր նպատակները	3
2. Դպրոցի ստանձնած վարքի կառավարման գործառնությունները	4
2.1 Կանխարգելում	4
2.2 Ուղղիչ միջոցներ	4
2.3 Աջակցութիւն	4
3. Իրաւունքներ, պարտաւորութիւններ, կանոններ եւ սահմանւած կարգ	5
3.1 Իրաւունքներ	5
3.2 Պարտաւորութիւններ	5
3.3 Սահմանւած կարգ	6
3.4 Կանոններ	6
4. Հետեւանքներ	7
5. Անպատշաճ վարք	8
5.1 Ֆիզիկական յարձակում	8
5.2 Անպատշաճ միջանձնային վարք	8
5.3 Սեփականութեան հետ կապւած խնդիրներ	9
5.4 Թմրանիւթերի օգտագործում	9
6. Վարքի կառավարման նախագծեր	10

1. Ընդհանուր դրոյթներ

1.1 Ներածութիւն

Սոյն Վարքի կառավարման կանոնագրի նպատակն է խրախուսել դրական աշխատանքային յարաբերութիւնների զարգացումը եւ պահպանումը դպրոցի համայնքի բոլոր անդամների միջեւ՝ որպէս դպրոցի կեանքի բոլոր ասպարեզների անբաժանելի մաս:

1.2 Մեր դաւանանքը

Թումանեան դպրոցում մենք դաւանում ենք հետեւեալ սկզբունքներին.

1. Դպրոցի բոլոր անդամները պէտք է գնահատեն եւ վայելեն յարգալից վերաբերմունք:
2. Բոլոր անդամներն ունեն իրաւունքներ եւ կրում են պատասխանատւութիւն իրենց վարքի համար:
3. Բարձր ինքնագնահատականը կարեւոր գործօն է անհատի դրական զարգացման գործում:
4. Դպրոցը որդեգրում է խնամքի եւ հոգատարութեան պարտաւորութիւն թէ՛ աշխատակազմի եւ թէ՛ աշակերտների հանդէպ:
5. Դրական յարաբերութիւնները նպաստում են ապահով, ներդաշնակ եւ համագործակցող աշխատանքային միջավայրի ստեղծմանը:
6. Դպրոցի ստանձնած վարքի կառավարման գործառոյթները պէտք է լինեն իմաստալից եւ հետեւողական:
7. Վարքի կառավարումը դպրոցի ողջ համայնքի պարտաւորութիւնն է:

1.3 Մեր նպատակները

Թումանեան դպրոցում մեր նպատակներն են.

1. Ապահովել դպրոցի բոլոր անդամների հանդէպ գնահատանքն ու յարգալից վերաբերմունքը:
2. Ապահովել բոլոր անդամների իրաւունքների պահպանումը:
3. Խրախուսել բոլոր անդամներին կրելու պատասխանատւութիւն իրենց արարքների համար եւ գործել համապատասխանաբար:
4. Բարձրացնել անհատի ինքնագնահատականը դրական գործելակերպի միջոցով:
5. Տուցաբերել աջակցութիւն բոլոր անհատներին:
6. Շարունակաբար զարգացնել եւ է՛լ աւելի բարելաւել դպրոցում հաստատուած ապահով, ներդաշնակ եւ համագործակցող աշխատանքային միջավայրը:
7. Ապահովել դպրոցի ստանձնած վարքի կառավարման գործառոյթների իմաստալից եւ հետեւողական կիրառումը դպրոցի ողջ համայնքում:

2. Դպրոցի ստանձնած վարքի կառավարման գործառնությունները

Սոյն կանոնագրի նպատակն է ներկայացնել անընդունելի վարքի կանխարգելման, շտկման եւ համապատասխանաբար անհատներին անհրաժեշտ աջակցութիւն ցուցաբերելու ընթացակարգը՝ դպրոցի վերոշարադրեալ նպատակներն իրագործելու համար:

2.1 Կանխարգելում

Կանխարգելումը ներառում է դրականի կառուցումը եւ խուսափումը բացասականից՝ իրաւունքների եւ պարտաւորութիւնների մասին տեղեկացման, ինչպէս նաեւ օրէնքների եւ սահմանաւած կարգի հաստատման միջոցով:

Ստանձնած գործառնութիւններն են.

- Ուսուցիչների կողմից՝ համընդհանուր օրէնքների, կանոնների եւ պարտաւորութիւնների բացատրութիւն աշակերտներին՝ «դասարանի կառավարման» մակարդակում
- Դպրոցում վարքի կառավարման հիմքում ընկած է «իրաւունքներ-պարտաւորութիւններ-կանոններ-սահմանաւած կարգ» կանոնակարգը:
- Շարունակաբար ուսուցանել, դրատել եւ քաջալերել դրական վարքը դպրոցում:

2.2 Ուղղիչ միջոցներ

Ուղղիչ միջոցները ներառում են բացասական վարքն ուղղելու նպատակով համապատասխան հետեւանքների կիրառում՝ անյապաղ կամ որոշ ժամանակ անց:

Ստանձնած գործառնութիւններն են.

- Անհարկի առճակատումը հասցնել նւազագոյնի
- Կիրառել հնարաւորինս դրական բնոյթի ուղղիչ միջոցներ
- Կենտրոնանալ առաջնային վարքի վրայ՝ խուսափելով վիճաբանութիւններից
- Ներշնչել, ցուցաբերել եւ ակնկալել յարգանք
- Գործադրել տեղին եւ ողջամիտ հետեւանքներ
- Գալ համաձայնութեան, որպէս համադպրոցական գործառնութիւն, աշակերտին «հանգստանալու ժամանակ» (“time-out”) տալու վերաբերեալ:

2.3 Աջակցութիւն

Աջակցութիւնը ներառում է օժանդակութիւն աշխատակազմին, աշակերտներին եւ ծնողներին՝ յետադարձ կապի, ինչպէս նաեւ յարաբերութիւնների վերանորոգման եւ վերակառուցման միջոցով:

Ստանձնած գործառնութիւններն են.

- Կառուցել, քաջալերել եւ կիրառել միասնական մօտեցում վարքի կառավարման հարցում

Ստորեւ բերւած երեք կէտերը փոխկապակցւած են եւ հանդիսանում են վարքի բարելաւման հիմնական գործոնները.

- Հետեւողականութիւն
- Յստակ կանոններ
- Արդարացի վերաբերմունք

3. Իրաւունքներ, պարտաւորութիւններ, կանոններ եւ սահմանաւած կարգ

Դպրոցի ողջ տիրոյթում, վարքի կառավարման հարցում հետեւողական եւ յստակ մօտեցումը պայմանաւորաւ է դպրոցի համայնքի բոլոր անդամների կողմից իրենց իրաւունքների եւ պարտաւորութիւնների յստակ ըմբռնմամբ, ինչպէս նաեւ համադպրոցական կանոնների եւ սահմանաւած կարգի հաստատմամբ:

Դասարանում իրաւունքների, պարտաւորութիւնների, կանոնների եւ սահմանաւած կարգի հաստատման եւ պահպանման հենքը ապահովում է վարքի կառավարման հարցում հետեւողական եւ յստակ մօտեցումներ, ինչը թոյլ է տալիս ուսուցչին եւ աշակերտներին հաշի առնել իւրայատուկ դասարանային իրավիճակը եւ մշակել իրենց սեփական «դասարանի կառավարման նախագիծը» դպրոցի համատեքստում:

3.1 Իրաւունքներ

Ցանկացած անհատ ունի իրաւունքներ:

Թումանեան դպրոցում իւրաքանչիւր անդամ ունի իր իրաւունքները:

Աշակերտների իրաւունքներն են.

- Դպրոցի տարածքում զգալ ապահով
- Սովորել՝ լաւագոյնս օգտագործելով իրենց ունակութիւնները
- Վայելել յարգալից վերաբերմունք

Աշխատակազմի իրաւունքներն են.

- Դպրոցի տարածքում զգալ ապահով
- Ունենալ հնարաւորութիւն դասաւանդելու
- Վայելել յարգալից վերաբերմունք

Ծնողների իրաւունքներն են.

- Դպրոցում վայելել բարեացակամ վերաբերմունք
- Մասնակից լինել իրենց երեխաների կրթութեանը
- Վայելել յարգալից վերաբերմունք

3.2 Պարտաւորութիւններ

Պարտաւորութիւնը իրաւապէս եւ բարոյապէս պատասխանատու լինելն է պարտականութիւնների կատարման եւ խնամքի ցուցաբերման հարցերում:

Թումանեան դպրոցում ամեն ոք ունի իր պարտաւորութիւնները:

Աշակերտների, աշխատակազմի եւ ծնողների պարտաւորութիւնները, որպէս դպրոցի մէկ միասնական համայնքի անդամներ, կայանում են միմեանց իրաւունքները յարգելու մէջ:

3.3 Սահմանված կարգ

Կանոններին հետեւելը դիւրին դարձնելու նպատակով, դպրոցը սահմանել է կայուն ընթացակարգ՝ հիմնված դպրոցի որդեգրած սկզբունքների եւ ակնկալիքների վրայ:

3.4 Կանոններ

Կանոններն այն յայտարարութիւններն են, որոնք սահմանում են, թէ ինչ է կարելի, անհրաժեշտ կամ պարտադիր անել որոշակի հանգամանքների առկայութեան դէպքում: Իրաւունքների պաշտպանութեան եւ պարտաւորութիւնների ստանձնման համար, դպրոցում գոյութիւն ունեն ներդասարանային եւ արտադասարանային կանոններ:

Թումանեան դպրոցում գործում են հետեւեալ կանոնները բոլորի համար.

- 1. Ուսուցչի յանձնարարական աշակերտին**
 - Հետեւիր ուսուցչի ցուցմունքին
- 2. Հաղորդակցութեան կանոն**
 - Հաղորդակցւիր քաղաքավարի
- 3. Ուսումնառութեան կանոն**
 - Համագործակցիր համադասարանցիներիդ հետ
 - Աշխատիր՝ առանց համադասարանցիներիդ խանգարելու
- 4. Շարժելու կանոն**
 - Շարժելիս եղիր զգոյշ մշտապէս
- 5. Վերաբերելու կանոն**
 - Վերաբերւիր բոլորին հանդարտ, առանց ֆիզիկական միջամտութեան
- 6. Ապահովութեան կանոն**
 - Դասասենեակից դուրս կօշիկները միշտ պէտք է լինեն հագին
- 7. Ընդհարման կանոն**
 - Կիրառիր խնդիրների խաղաղ լուծման մարտավարութիւն
 - Դիմիր ուսուցչին, եթէ դժարանում ես ինքնուրոյն լուծել խնդիրը
- 8. Սեփականութեան կանոն**
 - Հետեւիր, որ իրերդ լինեն իրենց տեղում
 - Յարգիր ուրիշների սեփականութիւնը
- 9. Խաղալու կանոն**
 - Խաղայ միայն խաղի համար յատկացւած տարածքներում

4. Հետեւանքներ

«Վատ վարքի հետեւանքները պետք է լինեն այն ուղղիչ միջոցը, որը հանդիսանում է կապող օղակ իրաւունքների եւ կանոնների միջեւ, երբ աշակերտները խախտում են ուրիշների իրաւունքները»:

Բիլ Ռոջերս, Վարքի կառավարում, էջ 90

Երեխաները սովորում են, որ իրենց գործողութիւններն ունեն հետեւանքներ, եւ որ իրենց վարքն իրենց իսկ ընտրութիւն է:

Թե՛ պատշաճ, թե՛ անպատշաճ վարքը պետք է ունենայ հետեւանք, որի մասին աշակերտը պետք է տեղեակ լինի եւ համապատասխանաբար նկատի ունենայ որոշակի վարք ընտրելուց առաջ:

Հետեւանքները պետք է լինեն.

- Աշակերտի իրաւունքները հաշի առնող
- Խնդրոյ առարկայ վարքի հետ անմիջական կապ ունեցող
- Ողջամիտ
- Անհատի արժանապատուութիւնը չոտնահարող
- Համապատասխան աստիճանի լրջութեան

Հետեւանքն արդիւնաւետ է, եթէ կայ հաւաստիութիւն, որ այն կը գործադրւի անյապաղ կամ որոշ ժամանակ անց: Հետեւանքները եւ դրանց հետամուտ լինելը պետք է ի կատար ածւեն այն ուսուցչի կողմից, ով անդրադարձել է աշակերտին՝ վերջինիս վարքի կապակցութեամբ, եւ ոչ միայն փոխանցել է կատարածի մասին տեղեկութիւն դասարանի ուսուցչին:

Տրամաբանական հետեւանքների օրինակներ են.

- Եթէ իրել ես շարքում կանգնածին՝ առաջ անցնելու նպատակով, կը կանգնես շարքի վերջում:
- Եթէ թողել ես իրերդ թափած անպատեհ վայրում, դրանք ժամանակաւոր կը դրւեն պահեստում:
- Եթէ դասաժամի առաջադրանքը չես հասցրել կատարել, պետք է աւարտես տանը՝ որպէս տնային աշխատանք:
- Եթէ անփոյթ ես կատարել աշխատանքդ, ստիպւած ես այն նորից կատարել:
- Եթէ աղտոտել ես շրջակայքդ կամ վնաս ես հասցրել, պետք է վերականգնես՝ մաքրելով աղտոտածդ կամ վճարելով վերանորոգման համար:
- Եթէ կոտրել կամ փչացրել ես դասընկերոջդ սեփականութիւնը, պարտաւոր ես այն փոխարինել նորով:
- Եթէ անհանգստացրել ես ընկերոջդ, ներողութիւն պետք է խնդրես, եւ հնարաւոր է՝ զրկես ընթացիկ միջոցառմանը մասնակցելուց:
- Եթէ անպատշաճ ես շարժւել, վերադարձիր եւ շտկիր շարժումներդ:

5. Անպատշաճ վարք

5.1 Ֆիզիկական յարձակում

Ֆիզիկական յարձակումը ներառում է կռելը, ահաբեկելը, ինքնախեղումը եւ ֆիզիկական ճնշման այլ գործողություններ:

Կառավարում

Ուսուցիչը պետք է՝

- Գնահատի վատ վարքագիծը՝ հաշվի առնելով համատեքստը, ընկերների արձագանքը, գործողութեան յաճախությունը, վնասելու մտադրությունը, ինքնագիտակցումը, ազդեցությունը այլոց վրայ եւ այլն
- Դադարեցնի խնդիր յարուցող գործողությունը
- Սատարի տուժող կողմին
- Դիմի բժշկական օգնութեան, եթէ անհրաժեշտ է
- Ընդհարող կողմերը հեռացնի միմիանցից

Հետեւանքներ

- Մեկուսացում (օրինակ՝ ընթացիկ դասարանում, մէկ այլ դասարանում, ուսուցչանոցում)
- Միմիանցից առանձնացում
- «Ժամանակ տալ հանգստանալու» (“time-out”)
- Որոշ ազատությունից կամ արտօնություններից զրկում

5.2 Անպատշաճ միջանձնային վարք

Անպատշաճ միջանձնային վարքը ներառում է հայիոյելը, սպառնալը, ծաղրելը, վիճելը, ամբարտաւանութիւնը, անբաղաժարութիւնը, ընդդիմախօսութիւնը, մերժողականութիւնը եւ այլն:

Կառավարում

Ուսուցիչը պետք է՝

- Գնահատի վատ վարքագիծը՝ հաշվի առնելով համատեքստը, ընկերների արձագանքը, գործողութեան յաճախությունը, վնասելու մտադրությունը, ինքնագիտակցումը, ազդեցությունը այլոց վրայ եւ այլն
- Դադարեցնի խնդիր յարուցող գործողությունը
- Սատարի տուժող կողմին

Հետեւանքներ

- Մեկուսացում (օրինակ՝ ընթացիկ դասարանում, մէկ այլ դասարանում, ուսուցչանոցում)
- Միմիանցից առանձնացում
- «Ժամանակ տալ հանգստանալու» (“time-out”)
- Որոշ ազատությունից կամ արտօնություններից զրկում

5.3 Սեփականության հետ կապած խնդիրներ

Սեփականության մեջ են ներառում դպրոցի, ինչպես նաև դպրոցի համայնքի մեջ ներառող անհատի անձնական սեփականությունները:

Սեփականության հետ կապած խնդիրները կարող են լինել.

- Ոչնչացումը, օրինակ՝ դասընկերոջ գրքի պատռում, դպրոցի սեփականության վնասում, ջարդում, վանդալիզմ:
- Գոյքի այլանդակումը, օրինակ՝ գրաֆիտի:
- Կոտրելը՝ որպես անպատշաճ վարքի պատճառով հասցված վնաս
- Գողությունը, օրինակ՝ դրամի, սննդի, սարքի կամ որեւէ այլ սեփականության:

Վերը նշվածները ենթադրում են մտադրված գործողություններ՝ դպրոցի կամ անձնական սեփականությունը փչացնելու կամ ոչնչացնելու, գիտակցված վնաս պատճառելու նպատակով:

Կառավարում

- Եթե դեպքն աննշան է, ուսուցիչներն են որոշում հետեւանքները եւ կիրառում դրանք:
- Նշանակալից դեպքերն ուղղորդվում են դպրոցի տնօրենին:

Հետեւանքները

- Վնասված սեփականության փոխարինում՝ նորով
- Վերանորոգում
- Դրամական փոխհատուցում
- Մաքրում
- Իրաւական գործառնոյթ

Վնասը հասցնողը պարտավորություն է կրում վերանայելու իր վարքը, այդ թւում՝ անհրաժեշտության դեպքում ներկայացնելու գրաւոր զղջում:

5.4 Թմրանիւթերի օգտագործում

Ծխախոտի կամ ոգելից խմիչքների օգտագործումը դպրոցի տարածքում խստիւ արգելված է: Անօրինական նիւթերի օգտագործումն արգելված է նմանապէս: Նշված նիւթերից որեւէ մէկի օգտագործումը Թումանեան դպրոցում համարւում է խոշոր չափի օրինախախտում եւ անյապաղ ուղղորդւում է տնօրենին:

6. Վարքի կառավարման նախագծեր

Վարքի կառավարման նախագծերի դերը վարքի արդիւնաւէտ կառավարման հենք տրամադրելն է:

Վարքի կառավարման նախագծերն են.

- Վարքի կառավարման համադպրոցական նախագիծ
- Դասարանի կառավարման նախագիծ